

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆՈՒ

6 մայիսի 2011թ.

N ----- Ա

ՈՐՈՇՈՒՄ

**«ԹԻՎ 4 ԲՈՒԺՄԱՆՄԱՍ» ԵՎ «ԹԻՎ 13 ՊՈԼԻԿԼԻՆԻԿԱ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅՈՒՆՆԵՐԸ ՄԻԱՑՄԱՆ ՁԵՎՈՎ ՎԵՐԱԿԱԶՄԱԿԵՐՊԵԼՈՒ ՄԱՍԻՆ**

Հիմք ընդունելով «Բաժնետիրական ընկերությունների մասին» Հայաստանի Հանրապետության օրենքի 18-րդ, 20-րդ հոդվածների, 67-րդ հոդվածի 1-ին մասի բ) կետի և 68-րդ հոդվածի 8-րդ մասի և «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 14-րդ կետի դրույթները՝

Երևան քաղաքի ավագանին որոշում է.

1. «Թիվ 4 բուժսանմաս» փակ բաժնետիրական ընկերությունը միացման ձևով վերակազմակերպել՝ միացնելով «Թիվ 13 պոլիկլինիկա» փակ բաժնետիրական ընկերությունը:

2. Առաջարկել Երևանի քաղաքապետին՝ սահմանված կարգին համապատասխան ապահովել «Թիվ 4 բուժսանմաս» փակ բաժնետիրական ընկերության միացման պայմանագրի, փոխանցման ակտի կազմման և հաստատման աշխատանքների կատարումը և նախապատրաստել «Թիվ 13 պոլիկլինիկա» փակ բաժնետիրական ընկերության կանոնադրության, կառուցվածքի, աշխատակիցների թվաքանակի, հաստիքացուցակի և պաշտոնային դրույքաչափերի նախագծերը՝ Երևան քաղաքի ավագանու քննարկմանն ու հաստատմանը ներկայացնելու համար:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

ՏԵՂԵԿԱՆՔ- ՀԻՄՆԱՎՈՐՈՒՄ

«ԹԻՎ 4 ԲՈՒԺՄԱՆՄԱՍ» ԵՎ «ԹԻՎ 13 ՊՈԼԻԿԼԻՆԻԿԱ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆՆԵՐԸ ՄԻԱՅՄԱՆ ՁԵՎՈՎ ՎԵՐԱԿԱԶՄԱԿԵՐՊԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Երևան քաղաքի ավագանու «Թիվ 4 բուժսանմաս» և «Թիվ 13 պոլիկլինիկա» փակ բաժնետիրական ընկերությունները միացման ձևով վերակազմակերպելու մասին» որոշման ընդունման անհրաժեշտությունը պայմանավորված է ներքոհիշյալով.

«Թիվ 4 բուժսանմաս» ՓԲԸ ձևավորվել է «Նաիրիտ» ԳԱ ՓԲԸ-ի և Շենգավիթ համայնքի /նախկին Լենինյան շրջան/ տարածքում գործող գործարանների աշխատակիցներին պրոֆքնություններ իրականացնելու համար:

ՀՀ անկախացումից հետո գործարանների մեծ մասը դադարեցրեց իր գործունեությունը, բուժսանմասի հետագա աշխատանքները շարունակելու համար Երևանի քաղաքապետի համապատասխան որոշմամբ ամբուլատոր-պոլիկլինիկական սպասարկման համար կցագրվել է թվով 4200 ազգաբնակչություն /2 թերապևտի տեղամաս/:

«Թիվ 4 բուժսանմաս» ՓԲԸ-ն ի սկզբանե իր գործունեությունն իրականացրել է «Նաիրիտ» ԳԱ ՓԲԸ-ի հաշվեկշռում ներառված Թամանցիների 58 հասցեում գտնվող շենքում: Շենքն ընկերության հաշվեկշիռ ընդգրկելու համար կայացել է ՀՀ կառավարության 12.09.2001թ. հ.841, 06.05.2004թ. հ.667-Ն և Երևանի քաղաքապետի 25.03.2001թ. հ.261 որոշումները, որոնք տարբեր պատճառներով չեն իրականացվել:

«Նաիրիտ» ԳԱ ՓԲԸ-ի տնօրինության կողմից վերջնաժամկետ է ներկայացվել ընկերությանը՝ մինչև 01.01.2011թ. ազատել առանց իրավական հիմքի զբաղեցրած տարածքը, Երևանի քաղաքապետարանի կողմից պայմանավորվածություն է ձեռք բերվել տարածքն ազատել մինչև 2011թ. հունիս ամիսը:

Հարկ ենք համարում նշել նաև, որ սպասարկվող ազգաբնակչության փոքր քանակը, ըստ ՀՀ ԱՆ կողմից հաստատված չափորոշիչների, թույլ չի տալիս իրականացնել նախատեսված բոլոր նեղ մասնագիտական և լաբորատոր-գործիքային հետազոտությունների ամբողջ ծավալը:

Ազգաբնակչության սպասարկման տարածքային առումով մոտ է «Թիվ 13 պոլիկլինիկա» ՓԲԸ-ն, որն ունի անհրաժեշտ բոլոր պայմանները մեծահասակ և մանկական ազգաբնակչությանը ՀՀ ԱՆ չափորոշիչներով սահմանված բժշկական օգնություն ցուցաբերելու համար, հազեցած է բարձր որակավորում ունեցող բժիշկ-մասնագետներով:

Ելնելով վերոգրյալից՝ ավագանու քննարկմանն ենք ներկայացնում «Թիվ 4 բուժսանմաս» փակ բաժնետիրական ընկերությունը վերակազմակերպելու հարցը:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

ՏԵՂԵԿԱՆՔ

**«Թիվ 4 ԲՈՒԺՄԱՆՄԱՍ» ԵՎ «Թիվ 13 ՊՈԼԻԿԼԻՆԻԿԱ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅՈՒՆՆԵՐԸ ՄԻԱՑՄԱՆ ՁԵՎՈՎ ՎԵՐԱԿԱԶՄԱԿԵՐՊԵԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՍ
ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Թիվ 4 բուժսանմաս» և «Թիվ 13 պոլիկլինիկա» փակ բաժնետիրական ընկերությունները միացման ձևով վերակազմակերպելու մասին» որոշման նախագծի ընդունման կապակցությամբ այլ իրավական ակտերի ընդունման անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

ՏԵՂԵԿԱՆՔ

**«Թիվ 4 ԲՈՒԺՄԱՆՄԱՍ» ԵՎ «Թիվ 13 ՊՈԼԻԿԼԻՆԻԿԱ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅՈՒՆՆԵՐԸ ՄԻԱՑՄԱՆ ՁԵՎՈՎ ՎԵՐԱԿԱԶՄԱԿԵՐՊԵԼՈՒ ՄԱՍԻՆ
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ
ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Թիվ 4 բուժսանմաս» և «Թիվ 13 պոլիկլինիկա» փակ բաժնետիրական ընկերությունները միացման ձևով վերակազմակերպելու մասին» որոշման նախագծի ընդունման կապակցությամբ Երևան քաղաքի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ